

太上中道妙法蓮華經卷之十

廣究灾祥品第十七

爾時

元始天尊在七寶林中演說諸大妙法。時有太極真人。太玄真人。普法真人。太乙真人。定

光真人。妙光真人。寶積真人。普德真人。妙行真人。玄一真人。惠命真人。救苦真人。溥度真

人。普平真人。溥濟真人。自在真人。普觀真人。溥心真人。太虛真人。太力真人。東方提頭頰

吒天王。南方毗留勒叉天王。西方毗樓博叉

天王。北方毗沙門天王。轉輪聖王。四海龍王。

須彌山王。諸天神王。大風神王。大火神王。大

上神王。大雲神王。大雷神王。大雷神王。大力

神王。大月神王。大星神王。小星神王。小日神

王。小月神王。飛天神王。宮殿神王。觀廟神王。

社稷神王。各與眷屬無鞅數眾。悉皆來集。稽

首朝禮。上白

天尊曰。臣等昔觀天地。一切世界。日月星宿。

山川巖洞。金壁土石。並皆混合。邪明幽默。時

和威靈。國安民富。受生快樂。苦病不興。觀今

俗流民病。多受貧窮夭折。父子男女。不忠不

孝。不義不仁。常遭饑饉。病難每加。古今異殊。

未能曉悟。敢仗慈尊。廣為宣說。開諭迷於

是羅網。牧獵禽獸。殺害眾生。慳吝財貨。不能

施惠。輕踈父母。重惜妻子。無有禮義。淫慾迷

惑。心懷嫉妬。意起異端。既有奉於尊經。晨昏

不思讀誦。漏瀾損失。普救不聞。

天尊摩訶善因。豈有福祿何生。此等眾生。終

日竟夜。宜司紀錄。每遇六齋十直。三元五臘。

三會之辰。檢刮功過。糾其善惡。累積愆尤。今

受報應。罪惡盈貫。沉溺苦海。漂浪愛河。豈獨

己身。受殃受苦。連逮九玄。累及七祖。幽司考

較。編入鄴都。萬劫受苦。無有出期。是時諸大

真人。聞如是言。悉皆驚怖。惟願

大慈。特垂救度。是時

天尊告曰。我今為汝說此妙經。濟度眾生。子

宜諦聽。傳教世間。流通讀誦。塵凡若有善信。

學道修行。持誦經典。須當肅嚴衣冠。不得裸

露。若心生別端。意不清淨。有諸輕慢。風吹直

入倒懸地獄。罪苦轉加。無宜可免。如能念道

思真。或一聲二聲。尚消苦厄。若能善寫三十

六部尊經。布於世間。毋勸有緣士庶。善信誦

持。是經。獲福無量。有能自行善行。建立觀宇。

布設橋梁。散施穀布。財寶衣物。損已益他。極

孤愛寡。心持十戒。二十四戒。此乃積功累德。

祈福方來。非今世人。如是眾生。恣興妖偽。心

生殺害。偏信邪法。嗜酒淫佚。靡辨親疎。慳貪

嫉妬。苟利窺圖。不行布施。共相爭奪。不濟貧

苦。作諸非法。廣造惡業。不持戒行。此等眾生。

心遭

天譴。諸惡神鬼。專逐其人。當令壽命短促。流

于貧賤。五不具足。於是

天尊。教諸真人。護持是人。去住通達。無有障

難。是其國王。后妃太子。宰輔大臣。萬民兆庶。

皆天歡喜。晝夜安樂。若能持心齋戒。沐浴五

體轉誦。此法華經者。百病消除。千灾殄散。若

或心生懈怠。輕笑誹謗。妄語不信。經法

斯人。獲無量罪報。隨無間地獄。若教信諸經

爾時

杜三

七

天尊復作前義而說傷曰

吾今說妙傷 妙傷皆真實

一切諸眾生 宜當皆信受

若有不信經 將墮三惡道

如是諸天真 安有不歸道

今見魔降伏 稽首來迎請

我演此偈言 妙法正經典

皈水敬信人 福惠常增厚

爾時

天尊諭諸真人曰汝等可於閻浮國內震旦

國中五百年後遭汝行化是時世中人民無
善惟行殺害壯年頭白性同畜類男女短小
身長尺餘不種五穀惟食草子起處悉於草
下九月九日上天降災山摧石擊四海自然
枯竭一切眾生遞相殺食大施融變草木化
為鋒刃衝着即死骨山血池狼籍臭穢不堪
附近次有熱風神王冷風神王并諸小風神
王吹其死屍聚成山嶽或一年至于十年後
遭年風大王吹其諸惡散如微塵平如手掌
更興大水高八十尺猶如熱湯不可附觸或

經五年十年其水推出諸穢惡消泥漫大水

悉成平地小水即成溪谷水泡散生樹木之

上經得小千世界還生堅硬處上處下諸餘

亦爾吾當先遣金翹鳥下地遼繞擇其善惡

男女或有善根厚重持此法華者當與度之

免斯苦厄其有不修齋戒性耽淫慾殺盜懼

貪綺言妄語惡口兩舌輕誑愚痴背親向疎

誹謗聖真不敬經典罪業積深獲無量苦報

死入鄢都無間地獄萬劫受苦冥冥長夜無

有出期若有善信男女道俗儒流能談誦頌

誦讚洞文琴瑟笙簫箏笛鼓鈸香花妙菓供

養三寶真仙聖眾者得獲無量福報是時西

瞿耶尼當有此樂種種樂音晝夜六時有異

獸靈禽風雲樹木悉皆供養曲音雅麗壯辭

單越一切眾生思詠正法衣食自然隨其快

樂一旦命終離諸苦惱東弗于逮眾生修真

善法所居廟宇華堂樂音自

天尊再告眾真曰吾今界諭有諸逐人神鬼

各宜內外思省乃有優仙樓此惟鬼遭空失

火鬼天神地神鬼神神樹神鬼五道大力鬼

百性精邪鬼吸人氣血鬼食精喫腦鬼攝人

竄鬼鬼詐人飲食鬼入人耳目鬼入人口鼻

鬼咬人肝心鬼入人五臟鬼入人十指鬼入

人三田鬼入人七竅鬼百日伏屍鬼癘瘰癧

厲鬼頭疫肚痛鬼天瘟地瘟鬼五色心舌鬼

南長壯斗鬼如是天下十方一切諸鬼悉皆

殺害其人若請善信男女能持此法華經者

滅除眾鬼惡魔邪魅未劫生世之人超于大

羅天宮乃有一切神王擁護是人不令中天

橫死諸餘惡鬼悉皆消滅見世安樂寢無惡

憂公私遂意萬願從心如上因緣功德道備

南閻浮提眾生智性慵鄙背正向邪固負聖

賢評量教典損他益己誦妄慳貪殺害邪淫

嫉妬良善悖逆尊親積罪彌天盈惡苦地妄

失修行自形勞苦其或歲豐時歉受賤不常

天道察觀鬼魔降禍有能恭敬真像崇奉教

言佈施出家造井濟度辟情行諸十善獲福

無涯况其一切眾生皆得受性安居各隨善

惡淺深所報福業不等吾今示諭汝宜諦聽

受持勿示非人是時諸大真人及諸天仙聖

神王等衆聞以教言皆大歡喜信受奉行稽首道前奉辭而退

太上中道妙法蓮華經卷之十終

太上元始天尊說寶月光皇后聖母天尊孔雀明王經
啓白

奏樂 稱職 整聖 開經
各捧香牒請如法 知聲舉

開函演與天尊 衆和一聲
大慈悲開函演與天尊

開念

元從浩劫演仙童 始末原由未見詳
文化义行扶世運 昌時廣慶助元皇

大教留傳無替悉 洞玄敷演有維綱
仙凡混合通神感 經卷昭明永發揚

衆和一聲

大慈悲開函演與天尊

奏樂畢 大衆念

稽首梵音教主。皈命孔雀慈尊。遍河漢之群真。滿周天之列宿。本命星官。流年真宰。行病布瘡之衆。作威降福之神。護界護壇。善神侍香。侍經官衆。持帝鐘之初叩音。徹十方闍闍。彌以纒宣。聲通九地。受今啓請。已沐雲臨。願

降經筵證盟功德。今且奉為。八意重念。共有災有患。皈投解謝之明。延福延生。救降備禳之會。願九結十纏之密。九答漢若水消。其七傷八難之災。送釋如風。送善功圓滿。立降禱。大衆虔誠舉揚聖號。

開念

皈命孔雀大慈尊 皈命天王諸聖真
消災延壽降吉祥 人間天上演靈文

知聲舉

折開龍官箴 捧出玉琅函

孔雀尊經 同伸相應

知聲舉

消災延壽天尊 衆和一聲

大慈悲消災延壽天尊

開念

大哉元始演仙童 浩劫傳來孔雀王
指善修真功不淺 廣開方便顯靈壇

知聲舉

大慈悲消災延壽天尊

開念